

輿地廣記卷第八

京西南路

望襄州春秋已來楚地秦南郡之北界二漢屬南陽南郡魏置襄陽郡晉因之兼置荊州東晉置雍州宋文帝割荊州置雍州襄陽去江陵步道五百勢同唇齒無襄陽則江陵受敵自東晉庾翼為荊州刺史將謀北伐遂鎮襄陽齊梁皆因之後梁蕭詧都此西魏改曰襄州隋開皇初郡廢大業初州廢復置襄陽郡唐武德四年曰襄州天寶元年曰襄陽郡後為山南東道節度

輿地廣記

卷八

一

今縣六

緊襄陽縣二漢屬南郡劉表為荊州牧鎮北魏屬襄陽為重鎮蜀將關公攻沒于禁 仁勢甚盛徐晃屯守不下曹公謂晃曰全襄陽子之功也後孫權帥兵向西時曹仁鎮之司馬懿曰襄陽水陸之衝禦寇要地不宜失也晉因之兼為荊州刺史治羊祜杜預皆鎮焉東晉僞置雍州宋齊梁皆因之郡亦宜城徙治焉後梁蕭詧都此而為西魏附庸後周置襄州隋開皇初郡廢大業初復置唐為襄州有

峴山羊祐與鄒湛等嘗登之今墮淚碑在焉  
有鹿門山龐德公隱居之所有望楚山古馬  
鞍山也晉劉弘山簡九日宴游於此武陵王  
爰其峯秀改曰望楚山

望鄧城縣故鄧國二漢為鄧縣屬南陽郡晉曰  
鄧城屬襄陽郡其後廢入樊城樊周仲山甫  
所封也東漢建安中閔公圍于樊於樊後晉  
樊城縣後周省入安養隋屬襄陽郡唐屬襄  
州天寶元年改安養曰臨漢玉元二十一年  
移治古鄧城復改曰鄧城有樊城鎮

輿地廣記

卷八

二

緊襄城縣故穀國二漢為筑陽縣屬南陽郡晉  
屬順陽郡其後廢焉孝武置義城縣及義城  
郡後周郡廢隋開皇十八年改縣曰穀城屬  
襄陽郡唐屬襄州

中下宜城縣古鄆楚之別都也秦為南郡之北  
部漢惠帝三年改曰宜城屬南郡建安十三  
年魏武平荊州分置襄陽郡晉因之宋曰華  
山縣置華山郡後魏改為宜城郡分華山置  
率道縣西魏改華山曰漢南後周郡廢隋屬  
襄陽郡唐屬襄州正觀八年省漢南入率道

天寶七載改率道曰宜城有黎丘城後漢初  
秦豐阻兵于黎丘即此郢縣故郡國春秋時  
自商密遷此為楚附庸楚滅之昭王畏吳自  
郢遷焉後復還郢二漢及晉屬南郡隋屬襄  
陽郡唐改為樂鄉武德四年置郡州正觀八  
年州廢屬襄州周省入宜城

中下中廬縣故廬戎國二漢為中廬縣屬南郡  
晉屬襄陽其後廢焉梁置穰縣西魏改為義  
清屬歸義郡後周廢隋屬襄陽郡唐屬襄州  
皇朝太平興國元年復改為中廬

輿地廣記

卷八

三

中下南漳縣本漢臨沮縣屬南郡晉屬襄陽郡  
其後廢焉西魏置重陽縣後周改曰思安隋  
開皇十八年改曰南漳屬襄陽郡唐屬襄州  
武德二年析南漳置荆山正觀八年省南漳  
入義清開元十八年徙荆山于故南漳禹貢  
荆山在東北荆豫二州於是分境楚卞和得  
玉之處

上鄧州本夏禹之國春秋時申鄧二國之地戰  
國屬韓自後屬楚秦置南陽郡二漢因之晉  
屬南陽國及順陽義陽二國之境宋齊為南

陽郡後魏兼置荊州西魏為重鎮隋開皇初  
改為鄧州大業初州廢復置南陽郡唐武德  
二年曰鄧州天寶元年曰南陽郡梁升為宣  
化軍節度後唐改曰威勝周改曰武勝今縣  
五

上穰縣本楚別邑秦取之以封魏冉為穰侯後  
屬南陽郡二漢因之晉屬義陽郡後魏為南  
陽郡治及荊州刺史治焉隋開皇初改為鄧  
州後為南陽郡唐復為鄧州二漢朝陽縣屬  
南陽郡晉屬義陽郡其後廢焉故城在今縣

輿地廣記

卷八

四

東南二漢新野縣屬南陽郡晉置義陽郡後  
曰棘陽置新野郡後周郡廢隋開皇初復改  
縣曰新野屬南陽郡唐乾元二年省入穰漢  
冠軍縣本穰盧陽郡武帝以封霍去病去病  
仍出征匈奴功冠諸軍故曰冠軍屬南陽郡  
後晉隋皆因之唐正觀元年省入臨瀨漢涅  
陽縣屬南陽郡後漢及晉皆因之隋開皇初  
改曰課陽唐正觀元年省入穰故臨瀨縣本  
漢冠軍縣之北境魏置新城縣西魏改為臨  
瀨隋開皇初廢名新城屬南陽郡唐屬鄧州

天寶元年復名臨湍漢改曰臨瀨  
建隆初省入穰

皇朝

中下南陽縣故中國戰國時秦周王以為宛縣  
置南陽郡漢因之王莽以宛為南陽後漢復  
為宛晉如之後魏置上陌縣後周併宛入焉  
更名上宛隋開皇初改為南陽郡唐屬鄧州  
博望鎮漢博望縣也武帝置以封張騫屬漢  
陽郡後漢及晉皆因之其後廢焉安衆鎮二  
漢安衆縣也屬南陽郡晉省之漢杜衍縣屬  
南陽郡後漢省之故城在今縣西二漢育陽

輿地廣記

卷八

五

縣屬南陽郡晉因之其後廢焉故城在今縣  
南漢雒縣屬南陽郡東漢及晉皆因之元魏  
曰北雒後省即陳倉人所逐二童子名寶雞  
者雒止陳倉為石雌止此縣故名之漢西鄂  
縣屬南陽郡東漢及晉皆因之元魏省入北  
雒西魏向城縣及雒陽郡隋開皇初郡廢屬  
涇陽郡唐屬鄧州復省入南陽

中下內鄉縣本楚之白羽邑春秋昭十八年許  
遷于白羽後改為析漢屬弘農郡後漢屬南  
海郡晉屬順陽郡後曰兩浙置浙陽郡後周

改縣曰中鄉省浙川入焉隋改中鄉曰內鄉  
屬浙陽郡唐屬鄧州菊潭鎮本漢酈縣屬南  
陽郡後漢及晉皆因之隋開皇初改為菊潭  
縣北有菊水其旁悉生甘菊水極甘馨中有  
三十家不復穿井仰飲此水上壽至百二三  
十唐屬鄧州周省之丹水鎮漢丹水縣也屬  
弘農郡後漢屬南陽郡晉屬順陽郡後置丹  
川郡後周郡廢隋屬浙陽郡其後廢焉東有  
於村張儀說楚絕齊許以商於之地六百里  
即此

中下浙川縣本後漢南鄉縣魏置南鄉郡晉改  
為順陽郡後魏復為南鄉郡又分置浙川縣  
後周省之隋開皇初郡廢大業初置浙陽郡  
其後浙陽及南鄉縣皆廢焉五代時復置浙  
川縣屬鄧州

中下順陽縣漢屬南陽郡哀帝改為博山晉屬  
順陽郡西魏析置鄭縣尋改為清鄉後周省  
順陽入焉隋開皇初復改為順陽其後省入  
內鄉為鎮 皇朝太平興國六年升為縣  
上隨州春秋隨國戰國屬楚秦屬南陽郡二漢

因之晉屬義陽郡惠帝置隨郡宋齊因之西  
魏置并州後改曰隨州隋開皇初郡廢大業  
初州廢置漢東郡唐武德三年曰隨州天寶  
三年曰漢東郡 皇朝乾德三年升崇義  
軍節度太平興國元年改崇信軍今縣三  
上隨縣故隨國左傳所謂漢東之國隨為大者  
也其後楚滅之以為縣二漢屬南陽郡晉屬  
義陽郡惠帝置隨郡宋齊因之西魏置隨州  
隋置漢東郡唐復為隨州光化鎮本隨縣地  
南齊分置安化縣西魏改為新化後周改為

輿地廣記

卷八

七

光化隋屬漢東郡唐屬隨州

皇朝熙寧

元年省焉有斷蛇丘隋侯出而見大蛇中斷  
因舉而藥之後蛇銜明珠寶德故名

中下唐城縣故唐國屬楚漢為上唐鄉屬舂陵

縣晉屬安昌縣後置上唐縣後魏曰厥西置

義陽郡西魏改縣曰下澁隋開皇初郡廢十

六年改縣曰唐城屬漢東郡其後省入棗陽

唐開元二十六年復置屬隨州梁改為漢東

後唐復故晉又改為漢東漢又復故

中下棗陽縣本二漢蔡陽縣屬南陽郡晉屬義

陽郡後廢焉置廣昌縣及廣昌郡後魏置南  
荆州西魏改曰昌州隋開皇初郡廢仁壽元  
年避太子名改廣昌縣曰東陽大業初州廢  
置春陵郡唐武德初郡廢五年改昌州為唐  
州九年州徙治比陽正觀十年以來陽來屬  
漢春陵縣本蔡陽之白水鄉元朔五年以零  
陵冷道之春陵鄉封長沙王子買為春陵侯  
至戴侯仁以春陵地形下濕上書請徙南陽  
元帝許之以蔡陽白水鄉徙仁為春陵侯光  
武其後也故張衡賦云龍飛白水晉改為安

昌後復曰春陵置安昌郡隋開皇初郡廢屬  
昌州大業初屬春陵郡後省之故城在今縣  
東後漢襄鄉縣屬南陽郡後廢為故城在今  
縣東北縣

上金州春秋戰國皆屬楚秦及二漢屬漢中郡  
魏以漢中遺入在東陲者置魏興郡晉宋齊皆  
因之梁兼置南梁州西魏改曰東梁州以其地  
出金又改為金州置金城郡隋開皇初郡廢大  
業三年州廢置西城郡唐武德元年曰金州天  
寶元年曰安樂郡至德二載改曰漢陰郡後復



曰安樂石晉升懷德軍尋罷

皇朝乾德

五年升昭化軍今縣五

下西城縣本媯墟舜帝居之二漢屬漢中郡建安中置西城郡劉脩以申儀為太守儀據郡降魏文帝改為魏興郡晉因之後周省入吉安隋大業三年改縣曰金川復置西城郡義寧二年縣復曰西城唐為金州有伏羲山下平利縣漢長利縣屬漢中郡東漢省之晉復置屬魏興郡宋改為錫縣後廢梁初置上廉縣後改曰吉陽西魏改曰吉安後廢唐武德

輿地廣記

卷八

九

元年置平利縣大歷六年省長慶初復置皇朝熙寧六年省元祐二年復置有女媧山中洵陽縣北山洵水所出南入沔故以名縣漢屬漢中郡後漢省之晉復之置屬魏興郡後置洵陽郡隋開皇初郡廢屬西城郡唐屬金州涇陽鎮本西魏涇陽郡後周郡廢置黃土縣隋屬西城郡唐屬金州天寶元年更名涇陽郡皇朝乾德四年省入洵陽中下漢陰縣本漢安陽縣屬漢中郡東漢因之齊改為安康屬魏興郡後改曰寧都南齊置

安康屬西城郡唐屬金州至德二載以安祿  
姓改為漢陰縣

下石泉縣南齊曰永樂縣置晉昌郡西魏改郡  
曰魏昌改縣曰石泉後周郡廢隋屬西城郡  
唐屬金州

下房州春秋時為麋庸二國戰國屬楚秦二漢  
屬漢中郡魏置新城郡晉宋齊梁因之西魏  
置光遷國後周國廢為郡隋開皇初郡廢大  
業初改州為房州州廢置房陵縣唐武德元  
年曰遷州正觀十年州廢自竹山徙房州治

輿地廣記

卷八

十

此天寶元年曰房陵郡

皇朝雍熙三年

升保康軍節度今縣二

上房陵縣秦徙趙王遷於此房陵即此二漢屬

漢中郡魏置新城郡以孟達為太守達叛附

蜀司馬宣王討平之西魏置光遷國後周郡

縣並改為光遷隋置房陵郡唐正觀十年改

縣曰房陵為房州治焉武后廢中宗為廬陵

王遷之於此故永清縣本房陵縣地後魏分

置大洪縣後周改焉隋屬房陵郡唐屬房州

皇朝開寶中省

下竹山縣故庸國嘗從周武王伐紂牧誓所謂  
庸蜀羌髳二漢為上庸縣屬漢中郡魏分置  
上庸郡晉宋因之後廢梁置安城縣西魏改  
為竹山置羅州隋開皇初改為房州大業初  
州廢屬房陵郡唐武德元年置房州正觀十  
年徙治房陵故上庸縣亦漢上庸縣地梁置  
新豐縣西魏改為上庸後周改曰孔陽隋開  
皇十八年復曰上庸屬房陵郡唐屬房州  
皇朝開寶中省有白馬塞山孟達嘗登之嘆  
曰此金城千里

上均州春秋時屬麋戰國屬韓二漢屬南陽漢  
中二郡魏屬南鄉郡晉屬順陽郡宋置始平郡  
後置武當郡齊於此僑立始平郡尋改為齊興  
郡梁兼置興州後周改曰豐州隋開皇初郡廢  
改州為均州大業初州廢屬浙陽郡唐武德元  
年又置均州天寶元年更名武當郡也今領縣  
二  
上武當縣二漢屬南陽郡魏屬南鄉郡置屬順  
陽郡後置武當郡隋開皇初郡廢置均州大  
業初州廢屬浙陽郡唐復置均州有古塞城

在縣北戰國時楚築以備秦所據之山高峻  
嶮峭今名大塞山有武當山

上鄖鄉縣本漢錫縣地屬漢中郡魏屬魏興郡  
晉太康三年置鄖鄉縣宋因之隋屬淅陽郡  
唐屬均州有錫穴左傳文十一年楚潘崇伐  
麋至于錫穴是也豐州縣本漢長利縣地屬  
漢中郡梁置南上洛郡西魏改郡曰豐利而  
分錫置豐利縣後周郡廢隋以縣屬西城郡  
唐屬均州 皇朝乾德六年省入鄖鄉  
上鄖州春秋戰國皆屬楚秦屬南郡二漢屬江

輿地廣記

卷八

十三

夏郡晉宋為竟陵郡梁屬南司北新二州西魏  
屬安州後周置石城郡兼置鄖州隋開皇初郡  
廢大業初州廢置安陸郡唐武德四年曰鄖州  
正觀元年州廢隸都州十七年復置天寶元年  
曰富水郡今縣二

上長壽縣本漢竟陵縣地晉羊祜鎮荊州立石  
城因山為固惠帝元康元年分江夏西部置  
竟陵郡治此宋太始六年置長壽縣後周置  
石城郡隋大業初置安陸郡唐為鄖州  
下京山縣晉置新陽縣梁置新州梁寧郡西魏

改縣為角陵隋開皇初郡廢大業初州廢改  
角陵曰京山屬安陸郡唐武德四年置溫州  
正觀十七年州廢屬郢州富水鎮本後漢南  
新市縣地屬江夏郡晉因之西魏改為富水  
置富人郡隋開皇初郡廢屬安陸郡唐屬溫  
州正觀十七年來屬

上唐州春秋時屬楚戰國屬韓秦屬南陽郡二  
漢及晉皆因之後魏置東荊州西魏改為淮  
州為重鎮置兵以脩東魏隋開皇五年改為  
顯州、廢置淮安郡唐武德四年曰顯州正

輿地廣記

卷八

十三

觀十年改為唐州天寶元年曰淮安郡今縣  
五

中下泌陽縣漢湖陽舞陰平氏縣地屬南陽郡  
後魏置石馬縣後語訛為上馬隋屬春陵郡  
唐屬唐州正觀元年省入湖陽開元十五年  
復置天寶元年改為泌陽天祐二年州自比  
陽徙治於此改為泌州後復故平氏鎮本漢  
平義縣晉為西平氏屬義陽郡後置漢廣郡  
隋開皇初郡廢以平氏屬淮安郡唐屬唐州  
皇朝開寶五年省入泌陽有泌水在縣南即

後漢光武初起兵破王莽將甄直梁丘賜死  
處

中下湖陽縣故蓼國二漢屬南陽郡晉省入棘  
陽後魏復焉置西淮安郡及南襄州後郡廢  
改州為南平州西魏改曰昇州後又改曰湖  
州後周改置昇郡隋開皇初郡廢仁壽初  
改曰昇州大業初州廢以湖陽屬舂陵郡唐  
屬唐州棘陽故謝國詩所謂申伯蕃々既入  
于謝者也二漢為棘陽縣屬南陽郡晉屬義  
陽郡其後省焉故城在今縣西北

輿地廣記

卷八

十四

中下比陽縣漢屬南陽郡後漢及晉皆因之後  
魏曰陽平置東荊州西魏改為淮州隋開皇  
五年又改為顯州七年改陽平縣為饒良大  
業初又改曰比陽置淮安郡唐屬梁州方城  
山自比陽相比連百里號曰方城亦曰長城  
馬仁陂在縣北溉田萬頃

下桐柏縣漢平氏縣地屬南陽郡梁置淮安縣  
及華州上川郡西魏改州為淮州後改曰純  
州尋廢隋開皇初郡廢更名縣桐柏屬顯州  
後屬淮陽郡唐屬唐州禹貢桐柏山淮水所

出縣因山為名

下方城縣本漢堵陽棊縣地屬南陽郡後漢及  
晉皆因之其後廢焉西魏置方城縣及襄邑  
郡隋開皇初郡廢屬滎陽郡唐屬唐州有方  
城山左傳所謂楚國方城以為城者也水經  
注云方城邑西有黃城山是長沮桀溺耦耕  
之所有水出黃城山東流注漁水則子路問  
津處

同下州光化軍春秋戰國皆屬楚二漢屬南陽  
郡晉宋屬順陽郡西魏置鄧城郡後周郡廢隋

輿地廣記

卷八

十五

屬襄陽郡唐屬襄州

皇朝置光化軍今

縣一

乾德縣本楚地陰國所遷即春秋左傳云遷陰

于下陰者也二漢為陰縣屬南陽郡西魏置

鄧城郡後周郡廢屬襄州隋曰陰城屬襄陽

郡唐正觀八年省入穀城縣屬襄州 皇

朝乾德三年以陰城鎮置光化軍及置乾德

縣熙寧五年廢軍改乾德為光化縣屬襄州

後復置漢鄧縣蕭何所封屬南陽郡後漢因

之晉置順陽郡初治鄧焉西魏置鄧城郡後

周廢入陰城故城在今縣東北

輿地廣記 八卷終  
輿地廣記 卷八

十六